

ВАСЬФТЕМС ДОСТОЙНАЙСТА ИДЕНЬ ТВОРЧЕСТВАНЬ ОЛИМПИАДАТЬ

Идень творчествань Всесоюзной олимпиадась, конац ули йотафтф-тя кизонь августста Моску ошса, путни эсь инголенза огромный важностень задача—няфтемс массовой самодеятельностень творчеством респектаци и сонь лучшей образецонзон, иттенень массовой самодеятельностенон и творчестваснон сяда тов касоманц искусствань, наукань, техникань областнень эса. Тя пях оцю важностень мероприятия анокламась и сонь йотафтомац должетт лездом школаса успеваемость касфтоманцты и дисциплинировать кемокстаманцты.

Идень творчествань олимпиада организацион нинге вест няфтсы ся кельгомасть и алян заботать, конань советский жизнерадостный иттенди няфнесазь партиясь, Советский правительствась и сонць, Сталин ялгась.

Комсомольский эрь руководителсь должен кемоста шарьхкодемс, што идень творчествань Всесоюзной олимпиадась—тя политический тев, тяфтама жа почетнай, тяфтама жа оцю, кода государственной любой работась, конань честь мархта пашкоть-кшнесы Ленинско-Сталинский комсомолсь.

Всесоюзной олимпиадаты анокламась и сонь йотафтомац комсомольский организационнень ширде вешихть оцю виный и настойчивай работа. Комсомольский организационнень, эрь комсомолецть, педагогть задачасна ащи сян эса, штоба шарьхкодевиаста азондомс школьникенди, што олимпиадась призван аф анычек няфтемс, кодама веселайхть и талантливайхть минь иденьке, но сон должет няфтемс сянне, што советский итне тонафнихть анычек цебарьста и отличнайста, кода тонафнест Ленин и Сталин.

Кона комсомольский организацион лац шарьхкодезень олимпиадаты аноклама тевса эсь задачанзон, ся организационь школьной самодеятельности ащи рулевокс.

Вов Ковылкинский 43-це № железнодорожный средний школань комсомольский организационь (комитетонь секретарсь Касаткин ялгась), штоба достойнайста васьфтемс идень творчествань Всесо-

юзной олимпиадаты, ламода сядавишкоте эсь руководстванц школань самодеятельнай кружокнень лангса. Тяса сембе кружокнень эса йотафневихть тренировочнай занятият, тонафнихть морхт и танецт. Кружоконь участникне—ученикне самодеятельностьса участиять сотнекшнесазь цебарьста и отличнайста тонафнемать мархта.

Идень творчествань Всесоюзной олимпиадаты пях активнайста аноклайхть Рузаевка ошень 39 № средний школань ученикне. Синь олимпиадаты аноклайхть лама коллективной и индивидуальной номерхт. Тяфтама цебарь кепотькста республикаса аф кржа.

Но сави азомс, што тоса, коса ашезь шарьхкодть тя важнейшай кампаниять политический оцю значенинц, тоса работась мольфтеви йофси аф сатомшкаста. Например, тяфта ащи положенинсь Торбеевский средний школаса. Средний школань директорсь Шишкин ялгась и ВЛКСМ-нь организационь комитетонц секретарец Белоусов ялгась нльне афи содасазь школаса самодеятельностть состоянинцка.

Йофси аф тяда цебарьста ащи тевсь Салазгорь велень средний, М. Ювня велень аф полный средний и лия школатнень эсовок, коса самодеятельностть катф само-текти.

Олимпиадаты анокламась тяфта жа пях кальдявста ладяф Zubovo-Polyanskiy райононь Од Потьма, Сире Потьма и лия школатнень эса. Азф школань ученикнень эзда аф кржась тячиень шити нльне аф содасазь, мзярда ушеды идень творчествань Всесоюзной олимпиадась.

Пингта иляткшни аф лама. Эряви работамс сядавишкста и решительнайста, аф нолямс фкявок ши, фкявок част. Сяда тов плодотворнай и благодарнай работада аф кржа, конат эрявихть сотнекшнемс сян инкса тюремать мархта, штоба школьникне учебнай кизоть аделалезь анычек цебарь и отличнай оценка мархта, штоба нинге сядонга пях кемокстамс дисциплинировать школаса, штоба эрь ученикне идень творчествань Всесоюзной олимпиадаты саль отличнай и цебарь показателсь.

ГЕРМАНСКИЙ АРМИЯТЬ ВЕРХОВНАЙ КОМАНДОВАНИНЦ СВОДКАЦ


Берлин, майть 10-це шистонза. (ТАСС). Германский информацийный бюрось пачфнесы германский армиять верховнай командованиянц сводканц: „Тячи 5 частста 30 минутаста шобдава германский войскавне йотазь голландский, бельгийский и люксембургский границатнень. Пограничный рай-

оттнень эса противникть сопротивленинц ульсь синтьф авиациять взаимодействиянц вельде. Германский фкя подводнай лодкась ваяфтсь английский подводнай лодка. Германский военнай корабльсь торпедаса ваяфтсь Севернай моряса противниконь фкя эсминец“.

ЧЕМБЕРЛЕН ТУСЬ ОТСТАВКАС

Лондон, майть 10-це шистонза. (ТАСС). Рейтер агентствась радио вельде пачфнесы, што Чемберлен тусь отставкас. Английский пра-

вительствати од премьер-министркс назначендаф Уинстон Черчилль.



СНИМКАСА: А. И. Лавров художникъ работань плакатац „В. М. Молотов и К. Е. Ворошилов ялгатне Московский военнай округъ тактический учениясонза, 1936 к.“
Репродукциясь Г. Широковъ.
Фото-клишесъ ТАСС-ть.

Люксембургть правительствазь ворьгодсь

Париж, майть 10-це шистонза. (ТАСС). Кода азондсы Гавас агентствась, Бельгияса США-ть посолоц Кадэхи азозе, што Люксембургть правительстванц марнек составоц, иностраннай тевонь министрда башка, тусь Люксембургть территорияста.

Швейцарский ошть бомбардировандазе неизвестнай самолет

Лондон, майть 10-це шистонза. (ТАСС). Рейтер агентствась Бернста пачфни, што тячи веть иностраннай самолет бомбардировандазе Куррендлен ошть, кона ащи 30 километра вастса юго-запад ширеса Базель эзда. Бомбардировка пингста ульсь тиф повреждения машина кити. Тячи шобдава тага нийфт иностраннай самолетт Базель районца. Нью-Йорк, майть 10-це шистонза. (ТАСС). Кода пачфни Юнайтед пресс агентствась корреспондентоц Бернста, швейцарский армиять главнай штабоц азондозе, што иностраннай самолетне бомбардировандазь Делемонть и Монтюреть йоткса пунктнень. Тиф повреждения машина кити.

Голландский правительствать официальной сообщенинц

Нью-Йорк, майть 10-це шистонза. (ТАСС). Кода пачфни Юнайтед пресс агентствась, Амстердамса печатлаф тяфтама официальной заявления: „Колма частста германский войскавне йотазь голландский границать. Германский самолетне иорайхть атаковандамс аэродромнень. Армиять зенитнай батареянза ульсь нолдафт действияс. Кода содаф ульсь прафтфт германский 6 самолетт.“

Голландский Индияса военнай положения

Токио, майть 10-це шистонза. (ТАСС). Домей пусин агентствась пачфнесы сян колга, што саяка пингть, кода сувасть германский войскавне Голландиять территориязонза, Голландский Индияса майть 10-це шистонза ульсь азф военнай положения. Саяка пингть ульсь нолдафт приказ Голландский Индияса сембе уликс 16 кизода сире немецнень—алятнень интервированияснон колга.



МГСС-нь комсомолецне тюрхть оцю урожайть инкса.
СНИМКАСА: Комсомольско-молодежнй звенать звеньеводоц Давыдов ялгась инзай озим. Сон работань норманц эрь шиня пшкотькшнесы 175—180 процентс.

Фотось В. Ивенинтъ.

Комсомольско-молодежнй звенась срадсь

Тя кизонь мартть 16-це шистон-за Салазгорь велень „Ленинонь киц“ колхозонь первичнй комсомольскый организациянь комсомолецне и колхознй од ломаттне эсь собраниясост обсудили эрь гектарста аф 100 пудта кржа сьоронь сьавомать колга кизефксть.

Собранияса комсомолецне и од ломаттне сембе, кода фкя, азозь эсь валсон сталинскый 8 миллиартт пуд сьоронь сатомаса упорнайста тюремать инкса, мезенкса тяка жа собранияса ульсь пуроптф оцю урожайнь комсомольско-молодежнй звена. Звенась ащи 4 цьораньста и 6 стирняста.

Комсомолецнень и од ломаттнень тя инициативасна аф калдяв, но аныцек пяк калдяв ся, што тундань работатне кунара ни сувасть эсь правазост, а комсомольско-молодежнй звенась тя важнейшай кампаниять образцовайста васьфтеманц и ударнайста йотафтоманц вастс нльне срадсь.

Тяфтама положениась лиссь аныцек сяс, мес комсомольско-молодежнй звенась изь му эрявикс руководства колхознй комсомольскый организациять ширде. Звенать мельге участка и эрявикс инвентарь ашесть кемоксне.

Дм. Родин.

Торбеевань район.

Депутат-стахановец

Сире Дракань велень советть депутатоц Антошкина ялгась тундань видеать пингста эсь работасонза няфни цебарь результатт.

Майть васенце шиста торжественнай вечерса сон ульсь казэф цебарь работанкса ценнай подар-

каса и ярмакса.

Антошкина ялгась путнесы сембе виинц тундань видеать образцовайста йотафтоманц инкса-тюремати.

Я. Пинясов.

Ковы лкинскый район.

ОРГАНИЗОВАНДАМС ТРУДТЬ КОЛХОЗНАЙ ПАКСЯСА

Иотась 14 ши, кода лиссь видема Луховскый велень советонь „Пролетарий“ и „Пятилетка“ колхозне.

„Пролетарий“ колхозсь видема лиссь апрельть 28-це шистонза.

Колхозса сембоц фкя бригада, но видемань васень шитнень эзда сьавомок видихнень йоткса аф вятевы агитационно-массовой работа, аф ноляви бригаднй стенгазета. Колхозсь ноляй „Стахановец“ общеколхознй стенгазета. Тя газетать 4-це № ульсь посвященной колхозть видема лисеманцты и видемань васень шитнень результатсон колга. Газетась критиковандазень калдяв колхозникнень, конат калдяв участия примосесть видема.

Но аф ваномок нят сембе аф сатыкснень лангс, улихть лама колхозникт, конат честнайста и самоотверженнайста работайхть колхознй производстваса. Касьянов Матвей Федосеевичсь видемань васень шитнень пингстакиге няфни работань цебарь образецт. 11 ряднй сеялкаса 5 гектаронь нормат вастс видеиди 6—6,5 гектар эрь сменаст. Тяда башка сон применядакшнесыне агротехнический сембе мероприятиянень.

Майть 12-це шинцты „Пролетарий“ колхозса сокаф 186 гектар, конатнень эзда сокасть 154 гектар тракторхне. 70 гектар видеф тозер, 58 гектар—пинем, 8 гектархт—шиньжарма, 4,5 гектар—зеленая снав.

Тяка жа велень „Пятилетка“ колхозса май ковть 11-це шинцты колхозса сокаф 17 гектар алашаса и 100 гектар—тракторса. Тя площадь эзда видеф 110 гектархт разнай культураса.

Колхозса аш башка бригаднй куд и паксянь статт, конань сюнеда сокайхне и видихне обедама сашендыхть куду кафгошка километрань вастста. Сокайхнень йоткса кржа вятевы агитационнай работа.

Калдявста ладяф колхозса видихнень мельге трудть лувомат. Бригадирсь Бычковсь аф эсь пингстонза максси сведенийт колхозонь правленияти видихнень и сокайхнень работасон колга. Тя тевса порядкат ладяманц эзда пяк ширеса ащи комсомольскый организациясь (секретарсь Шапошников Василий Ивановичсь). Комсомольскый организациясь касы калдявста. Тянийнь пингть организацияса лувондовихть 3 комсомолецт, и нятка аф примосихть участия колхознй производстваса секретарьда башка.

Эряви шарфтомс сатомшка мяль Саранскый райононь руководящай организациятненди, райзоти, ВКП(б)-нь и ВЛКСМ-нь райкомтненди, штоба маластонь пингть ладямс „Пролетарий“ и „Пятилетка“ колхознень эса тундань видеать.

Ф. Бикеев.

Саранскый район.

Нуштаевть бригадац аделазе видеманц

Зубово-Полянскый велень советонь „Красный Октябрь“ колхозонь полеводческий бригадирсь Нуштаев ялгась аноклафста васьфтезе тундань видеать. Сонь бригадац эсь пингстонза ремонтировандазе уликс сельскохозяйственный инвентаренц, сортировандазень и триеровандазень сортовой видьмонзон, ковада мелеяровизировандазень.

Тундань видема кампаниять пингста Нуштаев ялгась лац организовандазе трудть и трудонь учетть. Майть 1-це шинцты Нуш-

таев ялгать бригадац аделазе сембе видеманц. Сембоц сонь бригадац видесть 61 гектар. Тяда башка 25 гектар площадь лангс сон тись культивация.

Сонь бригадасонза образцовайста организовандаф общай питаниясь. Обеденнай пингть Нуштаев ялгась тиенди беседат, лувонды газетат.

„Красный Октябрь“ колхозонь колхозникне сувасть социалистический соревнованияс оцю урожайнь сатомать инкса.

И. Паршин.

Комсомолецть моральной обликонц колга

Советскый странань ломаттне, строямок од эряф, полафнесазь эсь моральной и нравственной обликсон. Тя кувака и пяк сложный процесс, конач эряви тиесми минь советскый од ломаньконди. Ленинонь валонзон коряс, синь ингоlest ащи коммунистический обществань тиемань настоящей задачась. Ленинец 1920 кизонь октябрь ковста, обрашандамок од ломаттненди, корхтась:

„Тинь должеттада эсь эздонт воспитандамс коммунист. Од ломанень союзть задачац—тиемс эсь практический деятельностенц станя, штоба сон товафнелъ, организовандаволь, тюрель и штоба ня од ломаттне воспитандалезь эсь пряснон и лятнень, конат няихть сонь эсонза вождь, воспитанда-льхть эздост коммунист. Эряви, штоба тьяниень од ломаттнень воспитаниянь, образованиянь и тонафнема тевсна улель од ломаттненди коммунистический мораленъ воспитаниякс“ (соч. XXX том 409—410 стр.).

Ленинец четкайста няфнесы коммунистический нравственностть сутенц: „Нравственностть тя ся, конач служай сире эксплуататорскый обществать срафтоманцты и пуропнекшнесыне сембе трудящайхнень пролетариатть перьф, конач

тии коммунистонь од общества“ (тоса жа 411 стр.).

Мзярда Ильичсь од ломаттненди максозень ня указаниятнень, коммунизмат инкса тюремась мольтс боевой фронтнень эса. Тя великай тюремать участикоц покойнай Н. А. Островскыйсь макссь эстонь борецонь образт. Фкясь синь эздост—Сергея Брузжак од церанься. „Сон цьорась аф злой, аф жестокай, но сон солдасы, што родной республикат лангс зверькс врьгятсть ня мировой паразиттнень мархта кучф, васькафнеф и кяжса натравленнай солдаттне. И сон, Сергейсь, шавонды сян инкса, штоба маласькофтомс ся шить, мзярда модать лангса фкя-фкянь шавондома аф кармайхть.

Брузжак, Павел Корчагин, Андрюшук—вят эстонь борецт, предшественникт Хасанонь геройхненди и белофиттнень каршес тюремаса геройхненди.

„Куломс, кда содасак мезенкса, особай тев. Тяса ломанть виечка появакшни—корхтай Андрюшуксь. —Куломс нльня обязательна эряви терпения мархта, кда правдасы уленид тонь ширесот. Тясат и лисевиди геройстваське“.

Эстонь борецнень эзда кажнайсь парьхкодезе, што „знамась верса архтф“. Тянь жа шарьхкодезь За-

паднай Украинать и Западнай Белоруссиять освободителенца, шарьхкодезь и финляндскый народть освободителенца.

Мзярда бойса Карчагинть сокоргодсь види сельмоц, сон ульсь озабоченнай аныцек сян мархта: „лучши ба сокорогдолъ кержись, кода тьяни ляцендема карман? Тюремаса календакшневь борецненди стама маральной облик, кодама ульсь эряфонц сембе пингстонза Н. А. Островскыйть. Павел Карчагинть кургс Островскыйсь максси валхт, конат ашихть путеводнай тяштекс эрь советскый гражданинь эряфса: „Ломантти инь питникс—тя эряфсь. Сон тейнза макссевичь весть и йотафтомс сонь эряви станя, штоба афольмь ризна седице цельфема йотафтф кизотнень инкса, штоба афольхне пиде седицевь позорсь всякай мелочнень инкса, а штоба куломстот марьголеть: сембе эряфозе и сембе виинь ульсь максф мирса инь цебарть инкса—человечествать освобождениянц инкса тюремати“.

Карчагин—Островскыйсь ня валхнень мархта рисовандась эста—будущай, тьяни—современнай сталинскый эпохань ломанень моральной облик. Тяфтама ломатть пачсть ни и тиендихть великай тефт. Синь ашихть Хасанонь, Халхин Голонь геройкс, финскый народть освобождениянц инкса борецокс,

синь трудендайхть минь паксясонк, заводсонк кемокстайхть социалистический родинать мощенц эса.

Мзярда аф сяськови Якстерь Армиять боецонзон оцю классовой сознательностсна сочетандавсь боевой мужествовать мархта, фронтса мекольденъ событиятне тисть Якстерьармейскый ударонь виить инголи сембе мирть ширде приклонения.

Но аф аныцек боевой фронтнень эса вятевы тюрема родинать инкса. Завоттнень, паксятнень эса минь васьфнетяма замечательнай героизмань примерхт. Минь странаньке ляткшни капиталистический окруженияса. Тя окружениясь всякай лаца старандай кирдемс социализмать вишкста касоманц, конач теенза гибельнай.

Сян инкса, штоба сатомс эсь гнуснай цельсон и тиесми политический разложения, вракне путнесазь сембе вииснон, штоба минь рядоньконь эса, а сембода пяк од ломаттнень рядсон эса тиесми моральной разложения. Пьянстваса, гульбаса, развратса вракне ряфцисазь ломаттнень правильной киста, внушают теист, што бытсь тя синь личнай, частнай тевсна. Моральнопадшай ломанц вракть нажимонц ала разлагандакшневи и политически. Аш кода васенцетъ явфтомс омбоцетъ эзда. Но тянь



Идены олимпиады.

СНИМКАСА: Рузаевканы железнодорожной 39 № средней школы хорь йотафты репетиция.

Фотось Ивенинтъ.

СТЕННОЙ ПЕЧАТТЬ РАБСТАЦ

Лац ладяф стеной печатть работац Саранск ошень 9-це № средняй школы. Тяся нолневихть класснай, отряднай и звеньевой пионерский стенгазетат.

Пионерский отрядонь и звенань стенгазетатненъ эса пионерский организациясь няфнесы цебарьста тонафни пионерхненъ, аф дисциплинированнойхненъ и кальдявста тонафнихненъ, отряттненъ и звенатненъ работаснон.

„Отличник“ общешкольной стенгазетат 6-це № ульсь посвященной Владимир Владимирович Маяковскийть кулома шистонза сявомок 10 кизонь топодеманцы. Тя газетаса ульсь сьорматфт статьят Маяковскийть идькс пингонц, и сонъ литературнай деятельности колга. Тяда башка стенгазетатненъ эса сьорматфт лама статьят кода аноклай школысь идень творчествань Всесоюзай олимпиады, ученикненъ, пионерхненъ и комсомолецненъ дисциплинаснон и успеваемостьснон колга.

Ф. Б.

Успеваемость и дисциплина кеподемаснон инкса

Идены творчествань Всесоюзай олимпиады советский школьникненъ йоткса кеподсь социалистический соревнованиянь оцю волна успеваемость и дисциплина кеподемаса. Эр школьникс оцю миль мархта старандай и арьси улемс участникс идень дарованиянь замечательнай смотрат эса.

Деятельнайста моли олимпиады анокламась Саранск ошень 6-це № школы. Комсомольский комитетсь дирекциять мархта тя школу эса тись аф йомла работа. Сын инициативаснон коряс организовандаф комиссия, йотафнеф лама беседат классненъ эзга. Олимпиада колга положениась пачфтьф эрь ученикть сознаниясь.

Классонь руководителхне: Кирюковась, Крыловась и Холоповась, сонжа драмкружоконь руководительсь, тонафнемок олимпиада колга положениась, сатсь эсь классот аф кальдяв сатфкт успеваемость и дисциплина кеподемаса. Тяфта, кепотьксонди, 7-це классонь учениксь Аксеновсь, анокламок олимпиады, машфтозе алгебраса кальдяв отметканц. Тяфтажа машфтозе аф успеваемостенц Обухов учениксь.

Лама ученик якайхть Саранск ошень Пионеронь куду, коса участвовандайхть шахматнай, шашкань, музыкальной и лия кружокненъ эса.

Кремнев.

ОТЛИЧНИК

Сире Дранкань средняй школыса 5-це „А“ класса тонафнихть 3 ученик—Кошкин Николайсь, Губанов Николайсь и Дорогов Павелсь. Сын ашихть школати воспитанникс. Тонафнемаса и по-

ведениясь Кошкин, Губанов и Дорогов ялгатне ашихть кепотьксонди сембе ученикненди. Сембе предметтненъ коряс сын тонафнихть анычек отличная.

Я. П.—ов.

ЮНАЙ НАТУРАЛИСТ

Ковылкинский железнодорожной 43 № средняй школыса 30 юнай натуралист. Юнай натуралисттне работайхть пяк цебарьста. Преподавательсь Е. Ф. Бакунинась оцю работа вяти нят од натуралисттненъ мархта. Школать перьф сын озафнеть панчфт, конатненъ мельге ладясть цебарь уход.

Тяда башка сын касфтыхть комнатнай панчфт. Эр класса улихть вальмялангонь цебарь панчфт. Юннатне коллективна якайхть вири, тонафнихть панчфт, насекомайхть, кочксихть гербарият.

Юннатонь кружокть председателец Мамонтовась 1939 кизоня ульсь участникс Всесоюзнай велень хозяйствань выставкас. Самок ВСХВ-ста, Мамонтовась азондозень ВСХВ-са юннатненъ экспонатснон.

Тядденъ кизоть юннатонь коллективсь суvasь социалистический соревнованиясь Всесоюзнай велень хозяйственный выставкас участниконди правань сатомат инкса.

М. Водякова.

нинге аф сембе шарьхкодезь, тья лувксса кой-кона комсомолечневок.

Покойнай Островскийсь, конач маштсь няфтемост социалистический эпохань ломанть инь существеннай чертанзон—моральной чистотат, принципиальность, бесстрашият, мужество, настойчивость целень сатомат инкса тюремста, няфтсь бытовой чистотань и бытовой разложениянь яркай картинат.

Партия эцеф Женька Развалихинь, „сери, смазливый, аф кунардонь гимназист“, „Од, да ранвай“, опаснай приключениянь кельгись, грустнай предложения мархта пристадакшни стирняти—комсомолс коря ялганцы, а мзярда каяжияффт, стирняти ширде получась отпор, сон беспокоендай сянь колга, кода ба сонъ поведениянь афолезь куле лиятне.

Тя пошлакти сембе ширденъ противоположностекс тья жа повестьса аци Карчагинць. Сон аф кувдай кельговикс стирняти, ся мес сонъ отношениянза тейнза, а стирть отношениянза тейнза нинге апак содакт. Аф лама пивгта меле, мзярда сон шарьхкодезе, што тя кельговикс стирнясь тейнза идеяна чуждай, сон сатни решимостец и волянц вийнза, штоба прокс сяземс сонъ мархтонза сембе сотьсненъ.

„Ломанць—аф животнай,—корхтай А. Бебельсь,—сонъ инь вию влечениянцы сембе ширденъ удовлетворениянди кржа физически обладаниясь, тейнза нинге эрви духовнай влечения и существовать мархта сходства, конань мархта сон йорай кемокстамс союз. Кда аш тяфтама влечения и взглядонь сходства, то союзсь арьси анычек механический сотксос, конанцы можна мярьгомс безнравственвай“.

Ленинць, аф кунара печатлаф Инессе Армандти сьорманзон эса сьормады брактъ, кельгоматъ, семьять колга и пролетарский гражданский кельгома мархта брактъ противопоставляет, буржуазнай пошлай, рдазу, кельгомафтома бракти. Буржуазнай брактс уленди материальной расчотонь коряс: аватне лисендихть рывакс стая, штоба улель обеспеченая положениац мирденцапа ала, а алятне—штоба улель козя приданай рыванц ширде. Тя ломанень мишендема-рамсема. Тяся подливнай настоящай кельгомась аф кирди кодамовок роль. Лама случайста купецекс уленди алясь. Тейнза кодамовок закотт апак сьорматт. „Быльсь молоденци аф укор“—тя тьянемс ляткшни нерушимай законкс буржуазнай обшествоаса. Но стирень тяфтама былсь тиевдсь сонъ опорочен-

найкс марнек эряфсонза. И адольтерхне ават любовниконь мархта сотксонц, конат салаване кяшендехить, а тья пивгста, алять ширеста половой сотксонза, конат аф запретнайхть и кяшендехить анычек сянка, штоба ванфтомс прилияхть,—нят типичнайхть буржуазнай семьяти.

Полнай противоположностекс аци пролетарский семьясь.

Ленинць вьре азф сьормацульсь сьорматф нинге революцияда инголе, но сон эсь актуальностенц ашезе юмафта тьяненге. Авань мархта сотксти легкомысленнай отношениясь, конач сидеста ульсь революциять васень кизонзон пивгста, рыватненъ ширде мирденъ полафнемась и мирьтненъ ширде рывань полафнемась, а аборттненъ колга законть нолдамоза меле судьбань произволсь, пеки авань кадондомась, алиментонь аф пандомась—нят ингольденъ буржуазнай бытонь апак машфтт иляктс. Прошлайсь аци сталмокс настоящайт лангса, эряви вьтемс длительнай тюрема социалистический бытть каршес моли явлениятненъ мархта.

Вов, кепотьксонди, фактт, конат лац няфнесазь, конашкава нинге виюфт ингольденъ предрассудкатне кой-кона од ломаттненъ сознаниясь, конат каннихть зепсост комсомольский билет: „Алданский

комсомолец“ газетат 1940 кизонь 9 № корхтави фкя тяфтама комсомолецть Егуновть колга. Кода азонды Егуновть ингольденъ рывац, што сон рывакстсь ветексть. Егуновсь тья эзда отказакшни.

Йофси аф стая, —корхтай сон,—монь рывакстонь анычекнилексть.


Мезе кошардозе тя морально-разложившай ломанть аерткшнемс рыванзон мархта? Авати удивительна циничнай отношениясь, мелкобуржуазнай взгляттне ряфдедзь Егуновть бытовой разложениянь балотати. Вов мезе сьормады Егуновть фкя рывац Л. комсомолкась.

„Идены шафтомда инголе минь Егуновть мархта эряме лац, но кодак анычек шачсь иденьке сонъ отношениянза эстакиге полафтсть. Тейне сон кармась относиться грубайста, а идсь тейнза ульсь безразличнайкс. Мзярда идсь сярятксть, Егунов кодамовок мерат ашезь прима. Идсь кулось.“

Омбоцеда пекиямста, сон аф весть тейне мярьгондсь тифтемс аборт врачть кядьста или эстейне. Мзярда категорически отказань, сон тейне азозе, што итть воспитандамонза аф карман.

Нят факттненъ эзда Егуновсь

(Полатксоц 4-це стр.).



СНИМКАСА: Саранский хлебозаводонъ стахановец-комсомолец В. С. Иконников ялгасъ. Сон работай сменной мастерке булочной цехса, норманц пшкоть-кшнесы 269 процентс. Фотош Ивенинтъ.

ОШСА ФУТБОЛЬНОЙ ПЕРВЕНСТВАТЬ ИНКСА

Майть 12-це шистонза Саранск ошень спортивный кота обществанъ футбольнай командат налхксть Саранск ошса первенствать инкса.

Пингсь ульсь 2—3 минутафтома 14 частт. Ошень общественность, од ломаттне, студенчество, учащайхне ульсь ни „Учитель“ стадионть перф и оцю мяльса учсть налхкомать ушедоманц. Налхкомать ушедозь „Учитель“ и „Буревестник“ обществатнень футбольнай командасна.

Налхкомась кафцке ширетнень эзда ушедсь пяк яростнайста. Но эряви азомс, што „Учитель“ обществать командац валхкс ламода сяда искуснайста. Но аф ваномок тя превосходить лангс, „Буревестник“ обществать команданцы сочувствующайхне кепсестъ эсь йотковаст спор и 2-це таймть

аделамс уверенна учезь „Буревестник“ обществать команданц победанц. А лиссь меклангт, налхкомась аделавсь 7:1 лувксса „Учитель“ обществать футбольнай команданц пользас.

Тяда меле лиссь налхкома „Динамо“ и „Пищевик“ обществатнень командасна.

1-це таймста „Динамо“ обществать командац, видеста азомс, налхкс пяк пассивнайста, конань сюнеда мячсь фалу шарондсь сонь ортанц инголе, и 1-це таймсь аделавсь 1:0 „Пищевик“ пользас.

Но омбоце таймть пингста активность йотась „Динамо“ обществать шири. Налхкомась аделавсь 5:4 „Динамо“ обществать команданц пользас.

Г. Пьянзин.

Футбол

Майть 5-це шистонза Ковылкинский и Zubovo-Polyanskiy футбольнай командатне васедсть Zubovo-Polyanskiy стадионть площадкса.

Ушедсь налхкомась. Васенце таймась аделавсь 2:0 лувксса 3.-Полянский футболнай командат пользас.

Омбоце таймсь аделавсь 1:2 лувксса Ковылкинский футболнай командат пользас. Налхкомась аделавсь 3:2 лувксса Zubovo-Polyanskiy футболнай командат пользас.

П. Митяков.

Zubovo-Polyanskiy район.

ВОЕННАЯ ДЕЙСТВИЯТНЕ ЗАПАДНОЙ ЕВРОПАСА Германский войска тне занял голландский провинция Гронингента, — Люксембург тне сембе территориянц — Германия тне кяльса, — бойхть германский и французский передовой часть тне йоткса, — голландский иностранный тевонь министр заявленинц

Германский армия тне верховнай командованиянц, майть 12-це шистонза, сообщенинц эса корхтати, што германский наступленинц моли вишке темпса сембе западной фронтъ эзга. Голландия тне северсонза германский войска тне занял Гронинген провинция тне пачкодсть Харлингента.

Бельгияса оперирующей германский войска тне занял бельгийский Льеж крепостъ инь крупный фортонц. Тя фортс господствует Маас ляйт и Альберта каналъ туркс переправатнень лангса. Фортъ 1000 ломанцъта гарнизоноц марса эсь командиронц мархта макссь пря пленц.

Люксембург тне сембе территориянц Германия тне кяльса. Германский войска тне, конат оперируют Южной Норвегияса, тяфта жа молихть успешна инголи, аф ваномок неприятель сопротивленинц лангс.

Корхтамок авиация тне действиянц колга, германский армия тне верховнай командованиянц пачфни, што майть 11-це шистонзамольсть воздушный налетт Франция тне, Бельгия тне и Голландия тне аэродромсон лангс. Воздушный бойхнень эса ульсь прафтф 52 самолет, зенитный артиллериясь прафтс 12 самолет. Сембода лама неприятельский самолет ульсь машфтф аэродронень эса. Майть 11-це шистонза машфтф 300-шка неприятельский самолет.

Неприятель лама противоречивый сообщенинц, — корхтати сообщенинц — волявхть ся пингть, мзярда германский вооруженный войхне синнесазь Бельгия тне и Голландия тне сопротивленинц.

Английский авиация тне министерствать сведениянзон коряс английский разведывательный и бомбардировочный авиация тне кели операциянзон пингста майть 11-це

шистонза прафтф аф 50 кржа германский самолет и нинге сяда лама ульсь лихтьф стройста или серьезнайста колафста.

„Бельгия тне и Люксембург тне йоткса границать лангса, — пачфни французский Гавас агентствась, — эвондасть германский войска тне, конат вишкста йотастъ Люксембург тне территориянц лангс. Синь и французский передовой часть тне йоткса, конат кучфт синь каршезост, ушедсть ви бойхть. Мозель эзда восток ширеса немецне тиезь васенце оцю атакать, нолдасть дивизия французский передовой посттнень каршес; французский отрядтне потастъ, максомок сигнал тревогань колга“. Агентствать мяленц коряс, „Бельгияса и Голландияса военной действия тне ашихть ушетксокс величайшей исторической битватненьди“.

Голландский армия тне верховнай командованиянц сообщенинц корхтати, што французский и английский войска тне тяниень пингть действуют марса голландский армия тне мархта. Тяка жа сообщенинц эса корхтати, што Голландия тне территориянц лангс таки валхневихть парашюта лама германский войска тне.

Голландский иностранный тевонь министр, кона ащи Лондонца, азозе: „Странатъ различный пунктованза германский войска тне валгомасна водендакшнесамазь минь ламова явфнемс эсь вииньконь. Ожесточенный бойда меле минь сявоськ немецнень кядьста Дордрехт островъ, юмафтомок 1000 лама ломань шавфста. Тя операция эса пяк оцюволь ролец голландский военно-морской флотъ. Голландский эсьминецъ орудиянъ толонц мархта, кона ащесь островъ маласа, шавф лама немец“.

(ТАСС).

Комсомолецъ моральной обликонц колга

сонпке аф атказакшни, аныцек йорси синь сяда ляпофтемс. Сон корхтай: мон ашине кошыре, штоба сон тиедь аборт, а аныцек корхтань, што эряви ванфтомс при пекиямать эзда“. Егуновсь ряфцезе рыванц приступленинц, а мзярда рывац ащезь согласинда, сон кадозе рыванц и иденц.

Сембе тя история тне эзда няеви, што инголенц ломань, конань мезеца аш общай коммунистический мораль тне мархта. Егуновсь и тейнза кондяпне авати относятся стама апак кяштъ цензмаса, конач характернай буржуазный интеллигентти Клим Самгин (Максим Горькайтъ одноименный романонц геройц). Клим Самгин арьсесь, што авати отношения, — тя аныцек половой отношения. Кельгомань благороднай чувствась, вию порывсь, конач характернай лама советский ломаттненьди, чуждайхть тяфтама ломаттненьди, кода Самгинъ.

Ленинц Клара Цеткин тне мархта беседовамста корхтась фкя од цьорань колга, конач эсь поведениенц мархта лятфнесыне Егуновъ и сонь кондямотнень:

„Тон вдь содасак Х... од ломаттъ. Мази, высокоодареный юношась? Пелян аныцек, аф ваномок сембонь тянь лангс, сонъ

эздонза мезевок путнай аф лиси. Сон фкя кельгома история тне эзда йотни омбоцети. Тя аф ярашты — аф политический тюремат, аф революция тне. Половой эряфса нездерженность — буржуазный: сон разложениянъ признак.“

Нинге лама ингольденъ пингонъ пережиткада авати отношения. Кой-кона национальный республикатнень эса, коса революцияда инголе сембода пяк оцю ульсь буржуазно-помещичий гнетъ.

„Комсомолец Таджикистана“ газетась 1940-це кизонь 19-це №-сонза пачфни куля авати возмутительный отношения фактонъ колга. Нурматов Раджаб комсомолецъ (Канибадамский районца Тельманъ лемса колхозста, „Кзыл Октябрь“ колхозъ председателец Абдуллаев комсомолецъ, Собиров комсомолецъ и лама лия аф марьгоньдихть рываснонды валхнемс паранджаснон. Хусейн Исанов и Мансур Насыров учительхне кирдъсазь эсь рываснон пяктафста, козовок аф нолясазь синь кудста.“

Ура — Тюбинский райононъ Файзуллаев Ислам, Рахимов Мусо, Шадиев Маруф комсомолецне рываснонды и тядяснонды аф марьгондихть лисендема паранжафтома ульцяв.

Нят сембе фактне корхтайхть

сянь колга, што нинге лама эрви тиемс сянь инкса, штоба машфтомс ломаттнень сознанияста капитализманъ пережиткатнень, штоба ароптомс тяниень пингонъ од ломанъ моральной обликонц буржуазный рдасть эзда.

Сталинский эпоханъ ломатти приложимый великай пролетарский писатель Максим Горький тне определение: „Проста ломань — тя нинге пяк кржа. Историясь вещи, штоба шачель од ломань, конач свободнай расовой, национальной классовой предрассудкатнень эзда“.

Тя „од ломанц“, мекольденъ пингть эвондась и эвондакшни общественной аренаса.

Социализманъ условия тне эса эрь од ломатт инголе панжадат сембе возможностье арамс государственной деятелькс, хозяйстванъ областса передовой руководителькс, ученыйкс, летчикокс, артистокс. „Од ломаттне“ — нят ломатъ, конатнень касфтозень партиясь, конатнень касфтсыне трудяшайхнень великай вождьсна Иосиф Виссарионович Сталинъ, кода большевиконь сире поколенинцти сменанъ.

Марксонъ — Энгельсонъ — Ленинонъ — Сталинонъ великай учениснон мархта овладениясь лезды од ломаттненьди воспитандамс эсь эздонза коммунист, аф аныцек

работаса, но и бытса, личный эряфса.

Од коммунистический моральсь, конань колга корхтась Ленин, сувсь минь странанъ од ломаттнень плотезонза и верозонза. Антиморальной поступкатне минь панжи од ломаненьконъ йоткса ашихть оцю редкостекс. Трудти, общественный социалистический собственности социалистический од отношениясь, родинати беззаветный преданность, эсь семьянцты честнай кельгоманъ отношениясь, — вов мезе характернай советский странанъ од ломаттненьди.

Но сембе сяка фактне, конатнень минь няфтеськ и конат можнат нинге васьфтемс бытса, корхтайхть бытти комсомолъ ширде эрвикс глубокай внимания тне колга. Эряви стремиться сянди, штоба комсомолецъ моральной обликоц улемь кристальна чистай.

Коммунистический моралень великай кепотькс советский од ломаттне мушендыхть пролетариатъ гениальный вождензон — Марксъ, Энгельс, Ленинъ, Сталинъ — личнай эряфсост, трудсост и тюремасост.

Феликс Кон.

Ответ. редакторъ заместителец И. ЧУДАЙКИН.